

- Percole tuque tuum deuote rite magistrum,
 Eruit e tenebris qui tete ad luminis auras;
 Ne incurras¹⁾ penam, prudens plebs, effuge culpam.
 Scire patrem laus est²⁾, culpa nil noscere³⁾ uelle,
 20 Scire licet meritis cuius te uiuere constat.
 Nonne dei prece Clemens te rite ducauit,
 Gignens in Christo pauit te lacte superno?
 Forte sacerdotum⁴⁾ culpa sic nescia torpes,
 Qui tibi non proprium monstrarunt iure patronum,
 25 Ut coleres⁵⁾ castum mitis uenerando parentem.
 Natio celestis melior quam natio carnis,
 Nati carnales cuncti nam morte peribunt,
 Celestes nati felices⁶⁾ atque perhennes...
 BASILICAS
 Campum Metensem benedixit presul et heros,
 30 Quem basilicas iamque sacrato nomine dicunt,
 In quo construxit miro fundamine criptam.
 Est fons in medio, Clemens quem foderat auctor,
 Irriguus, dulcis, gustu sanabilis egris.
 In qua iam cripta Clemens pausauerat olim.
 35 Quam pater egregius Widricus⁷⁾ iam auxit adornans,
 Urbis Metensis tunc primicerius ingens.
 Sancta et sanctorum post auxerat undique⁸⁾ uersum,
 Et claustrum totum restruxit plus meliusque,
 Hisque dei cultor construxit nam paradysum,
 40 Ex utero matris cum quo miseratio creuit.
 Ad famam largi patris hylarisque uocati
 Testantur miseri quos pauerat ipse benignus,
 Moribus ornatus, condignis⁹⁾ actibus auctus¹⁰⁾,
 Prudens et sapiens, diuino munere pollens,
 45 Utile consilio confortans pectora plebis,
 Seruorum Christi cultor ac fidus amator,
 Quem tibi, rex Christe, commendat carus amicus,
 Ut sibi retribuas celestis gaudia regni.
 Ipse locus quondam destructus tamque relictus,
 50 Presbiter ut tantum uix pauper uiueret illic.
 Urtice et sentes crescebant q̄de sacrata,
 Custodes falsi sectant et lucra profana,
 Ausi sacrilegaque manu disperdere sancta,
 Clementis criptam mordentes dente canino,
 55 Marmoreas petras uellentes inde tulerunt,
 Baptiste Christi sunt ausi frangere templum.
 Sancti Priuati sparserunt mēnia magna,

1) 'incuruas' Hs. 2) 'e' ausgelöscht Hs. 3) 'nosere' Hs. 4) 'sacerdotem' verb. in 'tum' Hs. 5) 'colores' Hs. 6) 'fideles' verb. in 'felices' Hs. 7) 'uindricus' Hs. 8) 'udique' Hs. 9) 'condignus' Hs. 10) 'auctis' verb. in 'auctus' Hs.